

DISSERTATIO INAUGURALIS MEDICO-PRACTICA  
DE

# MORBIS FOETUUM IN UTERO MATERNO,

Quam

RECTORE MAGNIFICENTISSIMO

FRIDERICO WILHELMO,  
SERENISSIMO REGNI HÆREDE,

P R Æ S I D E

FRIDERICO HOFFMANNO,

MEDICO REGIO ET PROFESSORE,  
DN. PATRONO, PRÆCEPTORE ATQVE HOSPITE  
*suo ætatem pie colendo,*

PRO DOCTORIS GRADU

*publice defendet*

D. Februar. MDCCII

PHILIPPUS JACOBUS Büttel

Nordlinga-Rhetus.

---

HALÆ MAGDEBURGICÆ,

Typis CHRISTIANI HENCKELII, Acad. Typogr.

MEMORIAL FOR  
THE

PRINCE OF WALES  
AND

PRINCE OF MONTENEGRO  
AND

PRINCE OF SERBIA

AND

PRINCE OF ROMANIA  
AND





## PROOEMIUM.



**Am** misera ac ærui-

nosa generis humani conditio est, ut non modo innumeris malis per vitam homines crucientur, verum etiam, ut intra carceres uterinos adhuc conclusi foetus, antequam vitali hac aura fruantur, & lucem aspiciant a malis atque

ægritudinibus non immunes sint; Ita nihil familiarius est, quam ut foetus in utero, ex gravi præsertim matris affectu, convulsionibus & inordinatis membrorum agitationibus, matre id abunde persentiente, distorqueantur. Insuper ipsa experientia addocet quotidiana, peculiari-  
bus morbis eos in utero affligi, & afflictos in lucem prodire. Tanta vero matrum cum foetibus, quos, utero gerunt, est consensio, ut hi illis intime compatiantur, adeo, ut non modo, ad omnem gravem animi affectum matris, tristitiam & iram, teneræ foetuum fibrillæ, in anomalos motus concitentur, sed quod magis est, a forti imaginatione eorum, quæ in sensus inciderunt, formatio partium plane impediatur, turbetur, ac vitietur, similesque characteres ac imagines, quas mater in cerebrum recepit tennello infanti certis in partibus affricentur, ex quibus



abunde dilucescit, magnam esse sympathiam ac affinitatem matris cum foetu quoad partes spirituosas impetum facientes, sive ipsam animam, ut loquuntur sensitivam. Similis quoque consensus manifesto deprehenditur, inter fluidas, humidas, ac solidas matris partes, unde si ipsæ conceperunt vitium, discrasiam, ipsi infantes mox in utero labem inde luunt, similibusque morbis afficiuntur, vel extra uterum degentes ad eosdem affectus, qui successu temporis sese exerunt dispositi sunt. Hæc omnia cum profundius paulo mecum meditatus fuerim, placuit speciminis inauguralis loco affectus hos morbosos, qui infantibus in utero familiares esse solent, recensere atque evolvere; præsertim cum hanc materiã speciali labore tractatam non dum mihi videre contigerit, spe innixus firmissima, fore, ut opus hoc, & labor, non sine utilitate, atque emolumento proximi cedere possit. Veniam autem facile impetrare potero, si in difficillima & ardua hac materia meæ cogitationes non statim ita sint comparatæ, ut successu temporis non limam, ac emendationem admittere debeant. Interea Deum T. O. M. devotis atque ardentibus invoco precibus, ut conatibus meis quos unice in ejus gloriam directos volo ex alto benedictionem & gratiam uberrimam aspirare velit.

§. I.

**P**Rinceps autem nostra erit intentio, ex fide dignis authoribus & observationibus historias atque exempla afferre variorum morborum, quibus foetus in ipsius uteri ergastulo laborarunt, & afflicti fuerunt, quorum postea ortum ac causas specialius, quantum possibile est, inquirere & qua ratione in posterum averti possint exactius paulo perscrutati lubet. Primum



mum autemprehendimus morbum variolarum, quo gravida corripitur sæpius transire in ipsum foetum. Ita *Hildan. Cent. IV. Obs. 56.* duo insinuat exempla foetus nempe masculini, item: foeminini variolosorum, quia matre tali morbo laborante, prodierunt similemque casum refert *Thom. Bartholin. Cent. IV. histor. 50. ubi Anno 1656. in Dania illud accidisse tradidit. Forestus quoque author fide dignus observavit libro 5. Obs. 44. p. 196. foetum a variolis non fuisse immunem. Ita etiam Mællenbroccius in Miscell. Natur. Curios. Dec. I. An. I. p. 131. hanc dedit observationem; Generosi cujusdam Viri uxor, cum ante variolis laborasset, filiam peperit vestigiis variolarum conspicuam. Unde liquet ipsam adhuc in utero materno simul cum matre variolis fuisse affectam. Miscell. Nat. Curios. Dec. II. An. VI. Obs. 61. hanc recensent historiam: Juvenula quædam gravida, dum detenta esset variolis, enixa est foetum, in toto corpusculo variolis plenum. Plura evolvi possunt exempla in Dec. I. AN. I. Obs. 53. it. Rhodii Cent. III. Obs. 83. in Brrtholini Cent. III. epistols 85. At vero illud non perpetuo contingere, ut mater variolosa infantem in utero talem quoque reddat, præclare ostendit *Borrichius in Act. Med. Hafniensibus vol. V. Obs. 75.* adducens exemplum infantis, qui sine variolis a matre, quæ gravissime istis laboravit, exclusus fuerit. Prout etiam foetum in claustro materno hærentem variolis corripitur matre ab iisdem immuni *Joh. Fernelii* testimonio imprimis constat, qui *libro II. de abditis rerum causis Capit. 12.* Sæpe, inquit, deprehensum, prægnantes maturos foetus edidisse hac lue per-fusos, quarum aliæ nihil omnino foris, aliæ non nisi, multis post diebus incommoda senserunt, idque proprio suo exemplo *Francisc. Mauriceau lib. I. de morbis gravidarum**



cap. 2. comprobat. Morbillorum morbo infantes quoque in utero materno affligi identidem experientia comprobat. Ita Baronissa de K. ultimo imprægnationis mense corripiebatur morbillis periculosissime, restituebatur quidem feliciter per convenientia auxilia, attamen foetus, qui statim prodibat maculas rubras ostendebat, vid. Dec. II. Ann. III. Obs. 97.

§. II.

Majus adhuc & atrocius malum est, lues venerea quam ex corporibus gravidarum transfusam in foetus legimus, qua de re consuli possunt Dec. II. An. VI. Obs. 61. & Mons. Gervais Ucaÿ, vid. Problem Curieux XII. dans le nouveau traité de la maladie venerienne.

§. III.

Perquam familiaris quoque & communis morbus est ipsis foetibus cum matre icterus, quem puerum in utero matris contraxisse Panarolus Pentecost. IV. Obs. 44. p. 137. recenset Curiosa est observatio 57. Kerckringii, quam narrat hoc modo: mater ictero laborans, octavo gravitationis mense peperit mortuum puerum, sed ita flavum, ut de cera factus non partus humanus videretur, sic inquit eum potestatis meæ factum seco, pro sanguine humor fellis instar flavum reperio, eumque diligenter, lagena exceptum servo, ad ossa ut perventum, ea sic erant, eodem humore, eodem colore flavo imbuta, ut si non ipse secuissem corpusculum, illudi mihi, atque arte tinctum fuisse putarim. Est penes me etiamnum plena isto sanguine lagena est skeleton ipsius pueri, non minus rara sui compositione, quam calore isto visendum vix credes fucum abesse nisi sinceritatem meam ex aliis, quæ hic narro, & in Museo servata ostendo, comprobaveris vid. Obs. 57.

§. IV.



§. IV.

Quod attinet ad febres intermittentes, ea ipsæ quoque si matres gravidæ illis laborant, in prolem transire solent, in hujus rei confirmationem meretur adduci egregius locus ex *Fernelio*, qui exstat *Path. lib. I. cap. XI.* si gravida medio gestationis tempore quartana febris afficitur, partum edi, qui diu postea, quartana febris conflabitur, atque si nono, ea mense Phrenitide prematur prolem gigni in pleuritidem proclivem, quemadmodum & ejus, cui abscessus ex octavo mense præruperat, filium in omnem vitam habuisse purulentas aures, unde intelligi potest, non modo prima conformatione ex semine, verum etiam toto gestationis tempore, tum ex materno sanguine tum ex aliis humoribus, atque alimentis morborum proclivitates in fœtum contrahi: similem observationem conspicias in *Dec. II. An. 5. Obs. 44.* fœminam nempe cujusdam militis invaserat pertinax quartana altero statim mense, ultimis mensibus ante & post paroxysmum embryonem maxime inquietum, tremulum, & ab uno in aliud latus sese volutantem manifeste sensit, ut tristem sibi met ipsa prædiceret eventum, tandem superato eodem terribili paroxysmo circa decimam vespertinam peperit filiulam, quæ una eademque hora, una cum matre febre ista misere affligebatur, & tenerimum corpusculum, septimam usque in septimanam, gravissimos hos sustinuit insultus. Talismodi exempli meminit quoque *Excell. Dn. Præses Patronus atque promotor studiorum nostrorum majorem in modum colendus*, qui ante 10. annos consulis primarii Ascaniensis uxorem gravidam quartana laborantem notavit, & remediis opem præstantissimam tulit, quæ filium enixa est, per  
lon-



longum tempus eadem febre correptum, illud autem observatione erat dignum, quod brevi post partum matrem deseruerit, Dan. *Puerarius e Geneva* recensente *Barthol. Cent. IV. Ep. 86. p. 488.* observatos a se infantes, qui in utero materno febricitarunt certissimis cum indicibus, & quorum demortuorum totius corporis habitus maculis quibusdam rubris & lividis distincti fuerint. Meretur quoque adduci hinc historia, quam recenset *Göckelius Dec. II. An. VI. Obs. 151.* Fœmina quædam binos ante puerperium menses, tertiana exquisite laborans curata vero justo tempore, puellam peperit cum cuticula pustulosa quam paulo post plenaria velut excoriatio excepit, haud secus, ac si fervida aqua macerata esset cutis, cuticula vero regenerata fuit medicamentis oleosis, in specie oleo lini tepefacto.

§. V.

Hydropicum quoque tumorem in fœtum ex vitio matris derivari posse, experientia testatum fuit. Ita uxor gravida ex ingenti terrore propter incendium siti molestissima urgetur, quam cerevisiæ secundariæ largiori potu abigere tentavit, decimo autem post die enixa est filiulam hydropicam, quæ medicamentis nihil quicquam conferentibus paucis post diebus hydrope periit. Hydrocephalus, uti est affectus familiaris & quasi proprius infantibus, ita prostant exempla eum in utero jam radices suas sumxisse. Sic *Blancard. in Collect. Phys. Med. Cent. 1. Obs. 73. fol. 65.* se in septem mensium abortu interdum ac piam matrem magnam aquæ sanguinæ latentem quantitatem animadvertisse memorat, *Baldwin. Ruseus de Extraction. fœtus Cap. 23. Jude A. 1562.* se puerum quendam vidisse hydrocephalo laborantem scribit,

CUI



cui mortuo in lucem prodeunti caput toto corpore fuit gravius. Joh. Lechelius *Miscell. Curios. Dec. II. A. II. Obs. 178.* exemplum habet pueri masculi, cui recens nato caput hydrocephalo obsidebatur, cujusque non multo post mortui cerebrum non excedebat calami scriptorii crassitiem, quo separato, loco ventriculorum offendisse se, ait, amplam quasi vesicam limpidissima & insipida aqua repletam, quantitate uncias 50. excedente.

§. VI.

Recensendum quoque est egregium exemplum de vesicæ calculo, qui in ipso infante intra uterum concretus fuit, ante viginti nempe & quod excurrit annos, Serenissimi Ducis Zeizensis Mauritii uxor ex renali calculo magnos subiade dolores perpeffa, peperit principissam quæ mox a partu atrociam tormina experta fuit præsertim in mictione, tertia septimana moriebatur, aperto corpore in vesica inventus fuit calculus instar lapidis mali perfici majoris. Nullum hic dubium est, jam in utero, lapidem accepisse sua rudimenta ac principia, extra uterum enim, tam brevi temporis spatio tantæ magnitudinis lapis gigni vix poterat.

§. VII.

Nullus autem affectus familiarior solet esse proli in utero, quam epilepsia, utpote subinde experiuntur gravidæ, ad vehementem animi motum seu terrorem seu iram ingentes jactationes ac volutationes foetus in utero, ut sæpius ipsæ exinde deficere videantur, multo magis autem illud ipsum apparet, si mater quæ utero gerit, sævissimo hoc morbo corripitur. Memorabilis hinc est casus, quem insinuant *Miscell. Nat. Cur. Dec. I. A. III. Obs. 160.* foemina ultra quartum mensem gravida epilepsia



corripiebatur crebra, effluxit ei postea e pudendis albicans humor teterrimi odoris cum tumore totius, anxietate ingenti, inguinum doloribus, & summa virium prostratione; existimarunt foetum esse mortuum, mox autem motum foetus percepit ægra vehementissimum & simulac fuerunt propinata epileptica, convulsivum motum foetus sensit, tandem convulsa his graviter in paroxysmo peperit filium, & ab eo tempore, nec mater nec filius sensit in insultus. Majorem adhuc considerationem meretur observatio, quam allegatam habemus *Dec. II. A. VI. Obs. 15. Misc. Cur.* Fœmina ultimis gestationis mensibus, de molesto, admodum sæpius reciprocrante foetus motu conquerebatur, præsertim cum inde ita defatigaretur, ut non raro animi deliquiis proxima, hic motus subsultorius suos quasi rythmos observans, quoties percipiebatur, toties matris abdomen percutiebat, singulis diebus ad minimum hunc paroxysmum illa sustinebat. Effectum tandem est medicamentis, ac redinem obtundentibus, ut cessante motu hoc convulsivo, foetus absque violentia naturaliter sese moveret, sanusque aliquot post septimanas in lucem mitteretur.

§. IIX.

Ultimo loco memorandum etiam aliquid est de malo, quod non adeo raro contingit, quando nempe infantes in lucem eduntur intestinis, vel etiam visceribus extra naturalem abdominis cavitatē propendentibus, in abdomine circa umbilicum facta ruptura, tale quid ante 12. annos observavit Halberstadii in infante *Excell. Dn. Præses*, qui nascebatur sine apertura ani, & sine distinctione sexus, magna autem moles intestinorum flavo obscuro colore tinctorum propendebat extra corpus, quæ



quæ erat intestini coli portio, cum dimidia parte ilei, mirifice erant expansa, & succo foetido, obscure nigricantis coloris referta tertio die moriebatur infans, baptismo prius accepto, Nomine ipsi dato Gabe Gottes. Similis casus ante aliquot annos Querfurti a Dn. Schaumburgo Practico & Physico ibi egregio animadversus est. *Blancard. lib. de morbis puerorum Obs. XI. lib. I. fol. 299.* meminit infantis, qui intestinis extra abdomen propendentibus natus erat. *Et Elzholzius de conceptione tubaria* ita scribit: foemina primipara vivum enixa est puellum prope umbilicum in sinistro latere rotundo tumore, & caput infantile magnitudine multum superante deformatum. Ut vero appareret quid intus aleret tumor ille, apertio fuit concessa, ubi portionem magnam intestinorum inclusamprehendimus. Copiosa flavescente aqua abdominis viscera cæterum naturaliter se habentia nec ulla labe deturbata, circumfluente. Innotuitque una cum peritoneo tendinosam illam musculorum abdominis partem quæ lineam albam constituit fuisse disruptam sicque per datam portam erumpentibus intestinis extensioni aptam cutis substantiam cecisse. Dantur etiam exempla, ubi a causa externa & violenta foetibus in utero læsio quædam ac vitium accedere potest, maxime in conformatione partium solidarum. Ita historias legere licet, ubi infantes pronati fuere cum umbilicali hernia, sive potius ejus prominentia, quæ nihil aliud solet esse, quam umbilicalis funiculi maxima dilatatio, nam aperto hoc illico in conspectum venit peritoneum. Vitium tale evenire potest, si gestationis tempore lapsa fuerit mater, vel ventrem duro corpori ad-



moverit qua de re legi meretur *Stalpart. van der Wiel Cent. II. Obs. 23.*

§. IX.

Restat jam, ut etiam hoc loco quædam recenseamus exempla, quibus corroborari ac demonstrari possit, perversum ac concitatum Spirituum animalium motum per graves animi affectus insigne damnum & atrocissima Symptomata inferre posse foetibus. Sicuti autem nullus perniciosior generi humano affectus & præsertim gravidis, quam terror ita etiam ultra modum infestus solet esse tenerrimis in utero foetibus, *Ita in Miscell. Curios. Dec. II. A. X. Obs. 81.* Sommerus recenset historiam ubi mater sexto mense prægnans, gravissimo terrore perculsa omnibus viribus destituebatur, & omnis foetus motus perviginti quatuor dies disparebat ut inter propriarum virium extremam jacturam de vita foetus actum esse mater indubie crederet. Interim continua analepticorum interna & externa applicatione, post tres septimanas foetus tremore quodam intercalari animalium superesse adhuc docebat, & semper cum matris anxio dolore, post hæc successive veri foetus motus redibant. Memoratu quoque digna est *Obs. 83. Dec. I. A. II. Miscell.* Conjux nempe circa initium noni mensis inopinato metu percellitur propter incendium in urbe, dum illa ab eo temporis momento male se habere cœpit, motumque infantis per triduum nullum sensit, sequentibus vero diebus admodum debilem, variis usurpatis roborantibus octavo die peperit filium bihorium tantum viventem, cujus totum sinistrum latus a capite usque ad calcem colore flammeo conspiciendum erat. Recensenda hoc loco etiam est *Obs. 61. Dec. I. A. II.* dum  
nempe



nempe gravida partu jam instante & valde consternata, ut in lipothymiam incideret, paucis diebus elapsis filium curvis manibus ac pedibus enixa est.

§. X.

Tandem etiam animam specificè per varias ideas objectorum externorum & fortem impressionem matris characterisatam similes effectus & stupenda phænomena in infantibus producere res est in foro Medico notissima, & nolumus in talismodi exemplis numerosissimis retensendis prolixiores esse, sed potius candidum lectorem remittimus ad *Marci Marci a Kronland lib. 1. idearum operatricium Cap. IV Saxii Gammarologiam Curiosam lib. 11. Cap. IV. p. 596. ad Thom. Fienum de viribus imaginationis. Schrad. Disp. de viribus imaginationis maternæ in fœtum, it. Harderi Apiarium p. 340. ad. A. I. Dec. III. Miscell. Obs. 117. it. Stalpart vander Wiel. Cent. II. Obs. 36. de Nævis maternis.*

§. XI.

Variaè superius adductæ ægritudines & affectiones, quibus conflantur fœtus in utero materno, ita sunt comparatæ, ut exactissimam consensionem atque harmoniam & communicationem matris cum fœtu addoceant. Utpote tota formatio, nutritio, vita, ac sanitas, infantis in utero dependet a vita & sanitate matris; sine matris enim arctissima unione progigni ac produci nunquam poterit fœtus. Tanta autem est communio, ut anima matris cum anima fœtus conspiret, & nullum dubium est, quod sensationes, perceptiones, ac passionès in matris anima excitatæ transeant quoque in ipsum infantem, sicuti id perversæ phantasiæ effectus luculenter loquuntur, consentit quoque motus spirituum seu fluidi tenuissimi nervei in matre cum motu spirituum in infante,



seu similis spirituum motus matris efficitur in infantibus, quod liquidissime conspicitur in motibus convulsivis, irregularibus Spirituum agitationibus ministerio affectuum animi, qui in omnibus similes sunt in ipsis infantibus. Quocirca eo minus dubium erit, quod motus & circulatio sanguinis ejusq; temperies ac crasis in matre exacte quoque corraspondeat cum sanguinis motu temperie in infantibus, adeo ut si hic temperatus placide & æquabiliter moveatur, talis circulatio & motio quoque in ipsis foetibus deprehendatur & vice versa si intemperies subest, si motu agitur sanguis irregulari morbofo, eundem quoque teneri in utero infantes experiantur.

§. XII.

Quivis tamen hic facile perspiciet, quicquid vitii in motu a crasi contraxerint spiritus ac humores in matre, id gravius perferre infantes, adeo ut quod illis præsentaneam noxam non infert, hisce maximum damnum, ac læsionem affricet. Quod etiam manifestissimum apparet in vehementi ac firma impressione ac phantasia matris, quæ tenellis fibrillis ac staminibus suam determinatam motus efficaciam imprimit, minime autem partibus matris robustioribus ac validioribus. Unde etiam familiare est a terrore incommodum mox accedere infanti, quale quid matres in tanto gradu non percipiunt. Sed propositi nostri ratio postulabit paulo accuratius consensionem illam matris cum foetu, inquirere ac indagare.

§. XIII.

Primum autem pro certo ac comperto habendum est, sicuti omne animal: ita etiam præstantissimum omnium hominem progigni ex solido principio, nempe vesicula



cula membranacea, cui tenuissimus lymphaticus, spirituosus liquor inclusus est, & vocatur ovulum foemininum, in quo omnia lineamenta ac rudimenta animalis compendio præexistunt, quæ tandem expansivo similis materiæ genitalis motu intestino foecundata, succi nutritii debito accessu evolvuntur ac visibilia redduntur. Equidem diversissimæ inter Eruditos de abstruso & a sensu remotissimo formationis negotio prostant sententiæ. Quæ quoniam tantum probabilitate nituntur, inter se, ut cum iis rebus accidit, non exacte conveniunt, minime autem has omnes adducere & examinare nostrum propositum est, per paucis non possumus non comminisci eorum sententiam nobis minime arridere, qui existimant in ovario Evæ totum genus humanum delituisse: neque nobis concipiendam esse recentiorum quorundam opinionem, quasi Deus corpuscula innumera organica, quæ servire possint propagationi vegetabilium & animalium, in prima creatione produxisset stupenda exiguitate donata, & hinc inde in fluidis natate sicque in corpora recipi. Non enim perspicere possum, quomodo conciliari cum hisce hypothesibus possit, quod infantes non tantum lineamentis & partium conformatione valde similes parentibus generentur, sed & dispositionem ad similes morbos, inclinationes, vitia, & virtutes acquirant & postea, quod maximum, sola phantasia matris evertere, immutare, & deturbare possit totum formationis negotium, etiam in infante, jam aliquot menses adulto & vitali: multo minus autem nobis persuadere possumus, quod productio prima organicorum horum corporum ex principio fluat interno, notitia, intellectu, intentione prædito, quod secundum has spirituales affectiones dirigat ac moveat  
ma-



materiam, quoniam secundum nostra principia hæ affectiones sunt tantum propriæ substantiis immaterialibus & libere agentibus, non autem corporeis & ex necessitate quadam suas operationes edentibus : tacemus quod ratio, intellectus, ac voluntas per se nullum jus quoddam habeat seu directionis, seu immediatæ motionis in corpora sed saltim eam potentiam seu potius imperium limitatum ex singulari beneplacito ad certos actus tantum homini a Deo sit concessum. Statuimus ergo animam, quæ format corpus, quæ illud conservat, quæ varias ac específicas motiones in ipso efficit, esse fluidum tenuissimum in actuoso motu existens, quod veteribus ætheris ac ignis nomine venit, hoc non ut in crassiore mechanismo simplices, tantum ab agentibus externis recipit motuum impressiones, & ex his facit reactiones, sed ut tenuissimum, innumerabiles específicas secundum numerum & ordinem impressiones ab organicis creaturis a Deo in creatione prima constructis recipit, retinet, & secundum hos motus organicos & regulares commovet & disponit aptam præsentem materiam. Hæ sunt nostræ rationales cogitationes, & si quis meliores afferre poterit, nobis nemo nisi iniquus Censor vitio vertet, si illas deferimus, & alias amplectamur quod omnes ingenui viri semper in physicis & probabilibus fecerunt. Ex hoc principio facillime deducemus, qua ratione & morbosæ partium dispositiones, fluidorum temperies vitia, inclinationes transfundantur in liberos verum etiam, quo pacto motus in anima afffecti vel firmissime ab objectis externis in sensoriiis impressi potentiam agendi certas in materiæ partes, retineant. Hæc omnia autem fieri mechanice, ist est, physice, naturaliter, & ex quadam necessitatis lege in



in corporeis substantiis, libere ac aperte dicimus ac profite-  
mur.

§. XIV.

In ovulo autem foecundato, corpus organicum infantis, utut exilissima mole latet, ulterius nempe extendendum, evolvendum, atque visibile reddendum. Nam exiguitas corporis ordini atque organicæ partium conformationi nihil derogar. Videmus id manifesto in minimis insectis, v. g. acaro, qui non nisi oculo armato exacte conspici potest: in quo tamen & musculos & canales, cavitates, humores, ac spiritus, summo artificio ac ordine compositos esse nemo physicorum facile in dubium vocabit. Quin imo in primorum mensium abortibus observare sæpe numero licuit embryones instar formicæ natantes in crystallina lymphâ, vesicula conclusa, qualem observationem perelegantem notavit *Cl. Bergerus in Lib. de Natura humana. p. 468.* Ante omnia itaque opus est, ut augeatur hoc organum extensione, & continua succi nutritii, blandi, gelatinosi, lymphatici accessione. Hujus autem copia a matre subministratur, adeo, ut non secus, ac aliæ matris partes, totum infantile corpus succo alibili, & quidem delibatissimo, nutriatur. Ingens quidem adhuc viget inter physiologos controversia, qua ratione & quibus viis humor ille alibilis matris communicetur cum ipso foetu, ubi alii & quidem veteres mediantibus vasis umbilicalibus ex placenta transferri istum sucum ad corpus foetus asseverarunt. Deinceps surrexerunt alii, qui non tantum per umbilicum sed per os nutriri infantem humore intra amnium collecto, profitebantur. Recentiores autem ex quibus primum nominandus *Stalpart. van der Wiel* repudiata veterum de nutritione foetus per



umbilicum sententia, unice contendit, foetum nutriri & crescere succo tantummodo sumto per os. Temporis autem ac instituti ratio hic non permittit exactam trutinam praesentis argumenti instituere: nihilominus non possumus non fateri, admodum dubiam nobis apparere nutritionem solummodo per os, quoniam in ipsa membrana chorii ac amnii accuratissime inspecta nulla vascula arteriosa vel venosa, aut alia conspiciuntur, hinc qua ratione succus possit hic advehi penetrare non possumus. Accedit maxime illud, quod provida natura, in elaborando secundinarum corpore primo tempore sit admodum occupata, ut non incrementum singulare foetus animadvertatur, antequam placenta uteri insignis molis fuerit utero annexa.

§. XV.

Statuendum itaque potius esse existimamus, Placentam eum in finem maxime esse formatam, ut recipiat ex osculis arteriarum & glandulosa Uteri substantia lymphaticum probe digestum alibilem succum, eumque, si non detur alia via, per poros venularum ab extra intro spectantes cum sanguine foetus intime misceat ac uniat. Praeter hunc usum alium adhuc Placentae uterinae assignamus, qui in eo consistit, ut vicem gerat Pulmonum, non ut sanguis refrigeretur & ventiletur, sed ut transeundo per capillaria innumera vasa, attritione intima facta exacte, quoad sua principia misceatur sicque tenuis, fluidus, spirituosus ac calidus evadat, utpote pulmonum usum non refrigerare sanguinem uti veteres statuerunt, sed spiritus ascentiam ipsi conferre à Praestantissimis Viris, Sylvio, Maurocordato, Charleton, Borello, Schwammerdamio Bohnio probe notatum est. Nam  
fiac-



si accurate perspicimus placentæ substantiam & structuram, ex meris membranaceis cellulis & innumeris vasorum ramificationibus affabre conflata est, & quoniam paucus vel plane nullus sanguis pulmonum vasa intrat, necesse fuit, ut in illud viscus, illorum vices gerens, derivaretur sanguis, ubi tamen non negandum, quod simul ibi roscidi & lymphatici succi accessione per glandulas ac poros communicati ad vitam & nutritionem sustentandam imbutus redeat ad tenellum infantem. Meritò autem talem usum Placentæ negamus, qualem nonnulli asserunt, existimantes aëreas partes, peream sanguini inspirari, quibus certè non opus fuit, cum humores, subtili aëris elastici portione jam subactos & retentos à matre recipiat infans. Cæterum tamen non inficiabimur, non impossibile esse ultimis in primis mensibus, succum quendam, qui continetur intra Cavum Amnii & variam habens originem, qua de re consuli potest Bohn. in Circulo anatomico, in patentiore oris, œsophagi & Ventriculi cavitatem impelli & per totum Corpus sic distribui, nam per os aliquid humoris ab extra in intestina ingeri copia succorum, quæ observata fuit in superius memorato infante, qui clausa alvo & urethra intestinisque extra abdomen propendentibus natus fuit, perspicere licet, ut ut non ad nutriendum Corpus specificè ut opinamur destinatus sit.

§. XVI.

Ex dictis illis facile colligitur, magnam intercedere consensionem matri cum fœtu, ratione hujus nutritionis, cujus materiam infans recipit à Matre. Quamvis enim non immediate sanguis maternus per arteriosos vel venosos canales ex matre derivetur ad Corpus fœtus



neque spiritus animales seu fluidum nerveum immediate & directe feratur ex matre ad infantem, nihilominus cum succus ille, quo alitur, & extenditur & vitalis fit infans, delibatissima & defœcatisima sanguinis materni portio ac quasi quinta essentia sit spirituum animalium copia sufficienter perfusa, nam non crudum non indigestum, non actuositatis expers esse debet, illud quod nutrit, sed optimum subtile, depuratum spirituosum ac temperatum, unde ratione hujus succi fit illa maxima consensio matris cum foetu, non saltem in rebus corporeis, sed in immaterialibus ac specificis motionibus, nisi enim in succo illo alibili, qui per placentam foetui committitur, in sit fluidum elasticum animale, quod in cerebro ac nervis maxime subsistit, non possemus causas atque ortus ducere ac derivare passionum atque pathematum, quæ fiunt ex terrore, ira, matris in ipsis foetibus, neque phantasie matris effectus in infantibus utero conclusis deducere ac explicare. Equidem non diffitemur, harum rerum explicationem, quo ad τὸ διότι admodum esse difficilem, quoniam hæ res a sensibus alienissimæ, & subtilissimi mechanismi sunt, hinc temerarium hic esset pro simplici & nuda veritate, meditationes hac de re venditare, & usque ad extremum vitæ halitum defendere, sed sufficiat si non tale aliquid statuamus, quod sano conceptui refragetur quod non misceat principia inter se, & tollat spiritus stricte si dicti, & corporis summe necessarias differentias.

## § XVII.

Statuimus itaque secundum ductum Excell. Dn. Præsidis, cujus informationi fidelissimæ omnia studia nostra debemus, animam, quæ format, movet & conservat corpus in animantibus tenuissimam esse fluidam substantiam.



stantiam motus agitatisimi. Omnes autem vires cujusvis substantiæ creatæ immateriales sunt, id est, ipsi effectus, qui fluunt ex creaturis in alias creaturas non sunt materiales, non extensi, satis tamen activi, adeo, ut non nisi immateriali ratione concipi queant: & sicuti crassum corpus vim alterius immaterialem in motu recipit, & secundum hanc reagit, id est, novum motum inchoat: ita quo tenuiora & fluidiora sunt corpora, eo magis sunt apta, ab aliis corporibus innumeras impressiones in se recipere, propagare, ut id manifesto videmus in vorticibus luminosis, sonoris, qui ex instanti per aerem & ætherem ferri solent; quidni etiam exinde colligendum erit talem mobilissimam substantiam, Veteribus igneam dictam in fibrillis cerebri ac nervorum existentem, in numerabiles impressiones motuum ab objectis externis in variis sensoriis recipere, & secundum has, positis omnibus requisitis, ordinatos & determinatos motus efficere. Et quemadmodum in fluidissimis corporibus excitati motus id est, luminosi, perniciosissime transfunduntur ac propagantur per magnum spatium, ita etiam motus suscitati in anima seu fluido mobilissimo per totum corpus penetrant, imaginem & impressionem specificam efficiunt, quale quid percipimus in animi affectibus totum corpus alterantibus, ita etiam nullum dubium, specificatas, & quasi sigillatas in certa figura ac magnitudine vires has motrices immateriales per totum abripi corpus non sine operatione & activitate, nisi valde sit resistens mobilis materia. Et hac ratione explicari debet radiatio illa spirituum, qua Cartesius exponere solet phantasiæ effectus, hinc perspicuum erit ad effectus istos stupendos, qui per phantasiam accidunt infantibus deducendos, non opus esse ut advoce-



mus hic in subsidium proprietates ac potentias spiritibus stricte sic dictis competentes, nempe intellectum, intentionem, directionem ac notitiam.

§. XVIII.

Morbi autem, qui ex humoribus seu materno sanguine & sero oriuntur, non aliam agnoscunt originem, quam succum nutritium matris, quo foetus nutritur a temperie ac indole sua blanda debitaque mixtione deficiente, quod si enim vitales matris fluores impuri sunt, variis excrementitiis salinis & sulphureis sordibus viscidis deturpati, quod fit ex vitio diætæ, circulatione debiliore, & excrementorum secretionem in matre impedita, non potest aliter fieri, quin succus nutritius infantis similis naturæ ac indolis fiat, eosdemque imo graviores effectus morbosos in infante, quam in matre producat.

§. XIX.

Sed ut paulo specialius progrediamur in explicandis ac enodandis affectuum infantum in utero causis ac ortu, operæ pretium esse existimamus. Primum quod attinet ad morbum variolarum hic infantes in utero facile corripere potest, si mater eodem laborat; etenim a sale tenui, sulphureo, caustico a massa humorum & sanguinis, quin imo a partium solidarum, quibus implicitum diu latuit, nexu ac involucris liberato originem suam ducit; quod vehiculo lymphæ per totum corpus distribuitur, & spasmodicas contractiones, anxietates, irregulares sanguinis & spirituum motiones efficit, donec relaxata præsertim cute vigore motus musculorum præsertim cordis ad habitum corporis propellatur, idem causticum principium, mediante lym-



lymphæ communicatur quoque ex facili ipsi foetui, inque eo similes commotiones morbosas excitare aptum est, donec etiam vigore cordis intrinseco relegatur ad relaxatam infantis cutem. Eodem modo morbillorum morbus qui ex simili elemento mitioris tamen acrimoniae fit pronascitur, & vitium praecipue in sero ac lymphæ complectitur. Multo magis autem putredinosa ingens destructio lymphæ ac sanguinis in lue venerea & accumulatio multarum salino acrium causticarum partium infesta ac exitialis erit tenellis infantibus.

§. XX.

Quartanam ex matre transire in foetum curiose superioribus observationibus notatum fuit. Nam febrem maxime intermittentem esse irregularem spirituum commotionem, & fibrillarum musculorum spasmoticam praesertim in principio, externi habitus corporis constrictionem, quam postea citatus ac vehemens motus cordis & arteriarum & consequenter progressivus motus sanguinis velocior, plane tamen inaequalis sub vigore morbi & aestu subsequitur, id quod symptomata ac phaenomena satis testantur, notissimum est. Revertitur autem hic motus per periodos & quidem quarto die, quoniam materiae febrilis procul dubio causticae acris salino sulphureae indolis ad spasmos spiritus stimulantis activitas, quæ in certa quantitate ac qualitate antequam motum inordinatum in spiritus inchoare queat, consistere debet, ad vigorem & statum illum requisitum propter sanguinem valde viscidum, qualis solet esse in quartanis non prius pervenire & efficaciam nocentem exerere potest, quam die quarto. Ex quibus jure meritoque concludimus, cum similis sanguinis & succorum visci-



viscida intemperies quartanæ nutrix & sustentatrix in infantibus deprehendatur non secus ac in matre, nec non principium illud materiale sulphureæ acris indolis, quod ex transpirationis impeditæ, vel excretionum prohibito officio generatur tali ratione communicari etiam cum ipso infante. Unde ratio in promptu erit, quare infans in lucem editus diu adhuc feбри hac corripī possit.

§. XXI.

Qua ratione autem Icterus matris in infantem derivetur res adhuc facilior conceptu est. Tinctura enim bilis flava, sulphurea non in sanguine sed in lymp̃ha ac sero conspicitur, jam si firmiter supponamus non sanguine sed succo lymphatico nutriri foetum in utero, necesse est ut flava hæc Tinctura a lymp̃ha non tam facile rursus separanda, amandetur etiam ad ipsum infantem, ejusque corpus simili colore afficiat. *Amatus Lusitanus curationum medicarum Cent. V. fol. 71.* refert; mulierem quandam ab epoto medicamento, cui admixtus crocus erat, duas puellas coloris lutei pepetisse. Experimentum etiam fecit *Cl. Herdot.* Cani gestanti in utero alimenta croco copiose condita offerens, catelli erant de nigro ad albedinem variegati coloris, excepta abdominis regione, hinc inde sese volutantes, in quibus albidiores cutis particulæ, plenarie croceo colore tinctæ fuerant.

§. XXII.

Cachecticas & hydropicas gravidas foetus in lucem edere oedematoso tumore turgidos observationes supra adductæ loquuntur. Ratio etiam hujus rei facilis videtur, etenim hydrops ex spiritualescentiæ defectu, circula-



culatione sanguinis & consequenter transpiratione impedita, & glandulorum viscerum infarctu a feri copia, nascitur. Qualis autem sanguis & lympa matris, & qualis spirituum constitutio, quale robur partium, talis etiam spirituum, humorum, ac solidarum partium dispositio ac status erit, in ipso infante & consequenter similis ad morbos proclivitas. Ex hisce quoque non difficilis explicatio est, quare calculosæ concrectiones in vesica, quibus affligitur mater, in infantibus etiam recens natis, deprehendantur, utpote ex sero, tartareis, terreis, salibus ad coagulationem aptissimis, imprægnato, in substantia renali, vel vesicâ læsa promissime calculi generantur, tale serum tartareum ad infantem transire & similes effectus edere posse, res omnis dubitationis expers est.

§. XXIII.

Epileptici insultus & omnes spirituum inordinatæ commotiones spasmos, & convulsiones hinc inde in partibus dispositis efficientes, lubentissime ex matre profiscuntur in infantem, motus enim facilius penetrat, quam qualitas vitiosæ materiæ; Unde quotidiana addocet experientia ad omnes animi commotiones, & nervosi generis pathemata vehementia debilitari & affici ultra modum infantes, & quamvis nervi non pertingant ad ipsum infantem, fluidum tamen illud elasticum actuosissimum quod in nervis existit, transit in succum alibilem & sic cum infante communicatur; Si enim lac & salivam ingreditur illud fluidum, quidni etiam in succum corporis nostri puriorem, subtiliorem transibit; jam autem morsus animalium rabidorum, ira percitorum, luculenter hoc comprobatur, spiritus communica-



tionem habere cum saliva, & terror nutricis qui sæpe-  
numero fugientibus infantibus lethalis est clarissime  
demonstrat a commercio spirituum ipsum lac non esse  
immune.

§. XXIV.

Dari etiam casus experientia abunde docet, ubi  
gravida laborant ex vehementi morbo foetusque edunt  
vitales & primo intuitu sanos, qui tamen brevi post gra-  
viter ægrotant & moriuntur. Ita proxime talem no-  
bis historiam communicavit *Excellent. Dn. Lichtenharius*  
*Archiater Saxonicus, Patronus atque Fautor noster majorem*  
*in modum colendus*, referens illustrem matronam partui  
jam proximam correptam fuisse variolis tunc tempo-  
ris epidemice grassantibus, quæ die ab invasione tertia  
præsente enormissima hæmorrhagia enixa est foetum  
vivum quidem, & nullis maculis conspurcatum, qui ta-  
men sexta post nativitatem die, convulsionibus morie-  
batur, sphacelo in visceribus hinc inde apparente. Non  
potest enim aliter fieri, quin matris succi vitales con-  
spurcati similem characterem sanguini foetus impri-  
mant: qui autem non illico successive tamen virulen-  
tiam suam prodit.

§. XXV.

Ultimo loco subjungenda quædam sunt circa signa,  
ex quibus judicium formare licet, foetum in utero esse  
imbecillem seu morbosum & audiendus in re primo  
omnium est *Hippocrates* qui *Secl. V. Aphor. 52.* scribit. *Mu-*  
*lieri utero gerenti, si lac fluat e mammis copiose, foetum im-*  
*becillem significat. Si vero firmæ solidæque mammae fuerint,*  
*valentio rem conceptionem indicant.* Hic canon non desti-  
tuitur suo ratiocinio & experientia quoque corroboratur,  
tur,



tur, nempe si gravidæ ultimis mensibus præter morem solitum magnum affluxum lactis sentiant ad mammas, indicium est non tanta in abundantia amplius sanguinem cum succo fluere in uterum, sed ex quadam causa præter naturali vasa uterina compressa, constricta esse, ut hac ratione intercipiatur illius affluxus. Hinc necesse est ut impetus copiosi sanguinis ad mammas seu corpora flaccida distensibilia derivetur; Unde materia spirituum & alimenti infantibus subtracta, necessario debent fieri imbecilliores. Ex adverso etiam si mammæ ingravidis nimis fuerint extenuatæ indicium etiam est foetus imbecillioris & intermorituri, sicuti id in subsequenti *Aphorismo* magnus *noster Hipp.* præclare confitetur: nam si mammæ, quæ alioquin a motu foetus ad extremum usque gestationis tempus, a lactis copia, solidæ esse debent, non sensim pedetentim, sed subito extenuentur, indicium maximum oportere subesse causam & vehementem mutationem in sanguinis & spirituum motu præcessisse, dum vel ipse in aliis partibus stagnat, inflammationem parit vel ob defectum spirituum & virium, chylus non generatur, vel ad mammas vehitur; uno verbo omnes extenuationes gravidarum subitæ periculi non sunt expertes. Quod etiam innuit laudatissimus *Hippocr. Aph. 55. ejusd. Sect.* dum inquit, quæ gestantes uterum febribus corripiuntur aut vehementer sine evidente causa extenuantur, eæ difficulter cum periculo pariunt aut abortientes periclitantur. Nam extenuatio illa non leve vitium in sanguine, & robur destructum indicat ubi enim cacochymia est, ibi non potest consistere virium robur: quodocunque autem corpus matris vitiosis humoribus abundat, vel



intestinus calidus depascens humidum motus in sanguine custoditur, fieri non poterit quin mater & foetus sit imbecillior quandoque autem accidit, quod mulieres gravidæ extenuentur, quia foetus nimium consumit alimoniam matris; Unde etiam non sine ratione scribit *Hippocr.* quod tales foeminae cum periculo pariant, quia causæ necessariae ad partum facile tolluntur, ut sunt robur matris, viæ apertæ, molles, ac lubricæ.

§. XXVI.

Præterea vel excessivus vel deficiens motus infantis in utero, signum est certissimum vel morborum vel imbecillis foetus. Motus enim plane languidus vel nullus si percipitur, extremam debilitatem significat, qui ex imminuto affluxu boni succi ex matre, & defectu spiritaliscentiæ in sanguine nascitur; Si autem nimiae vehementes observantur commotiones & jactationes membrorum infantis in utero, infallibile indicium est, convulsionibus agitari tenera membra.

§. XXVII.

Postremo ea consideranda quoque veniunt, quæ magna facultate pollent foetum morbosum in utero efficiendi. Ex omnibus autem hic obtinet principatum aer, & quidem tempestas aeris præsertim in hyeme nimis humida, austrina, succedente vere ficco & æquilonio; magnæ considerationis hac de re, est *Aph. XII. Sect. II. Hippocr.* Si hyems, inquit austrina & admodum pluviosa fuerit, ver autem siccum & æquilonium mulieres, quibus vere imminet partus, ex quacunque causa abortiunt aut si pariunt, imbecilles aut morbosos partus edunt: Ita ut vel ipsi statim intereant vel tenues, vel valetudinarii vivant. Ratio nempe hæc est, quando hyems flucti-



flatibus meridianis, austro nimirum Africo, Euro noto, & libonoto constat, & cœlum justo magis pluviosum, transpiratio & circulatio sanguinis in gravidis, quæ ordinario plethoricæ sunt, languidior & depressior est, tali vero ratione, copiosi, pituitosi, crudi in corpore generantur humores, qui accedente aere frigidiori, ventis, aspero Boreali ex ambitu & cortice corporis ad interiora ipsumque uterum magis trudentur, & urgentur. Unde dum nimiam relaxationem uteri, infarctum & sanguinis impeditum motum causantur, non modo causam præbent abortus, sed & infirmum & morbosum reddunt infantem, Aeris itaque tempestates in culpa sunt, ut foetus reddantur morbofi, & ut certum anni tempus noxium ac funestum, quibusdam prægnantibus sit. Egregie hoc insinuat *Thom. Barthol. Hist. Anatom. Cent. III. Hist 59*. Primis anni 1654. inquit, mensibus satis calidis, post æstatem æstuantem Hassniæ plerisque prægnantibus male cessit graviditas calidioris cœli vitio. Petechiis enim plurimæ occubuerunt, & gravidarum periculum secuturam pestilentiam præsagiebat. Infectus certe & intemperie quacunq̃ue vitiatus aer a matre attractus facillime tenellum foetum vel in utero enecat, suffocat, vel si robustior, ut inquinatum sibi que noxium aerem fugiat, ante statum tempus expellit. Hinc aliæ prægnantes eadem hyeme primis mensibus abortierunt, aliquæ postremis, magno propriæ vitæ discrimine, aliæ petechiis infectæ, una cum foetu exspirarunt, aliæ epilepsia convulsæ, quæ sine intermissione miseras comprehendens paucarum horarum spatio e medio sustulit.



Secundo loco & ciborum assumptio, excessus vel defectus sive nimia satietas & abstinencia, matrem & foetum ad morbos disponere solet. Nimia enim alimentorum copia, gravidis semper insalubris, quæ sua natura ad statum plethoricum & cacochymicum inclinant. Succorum enim copia non rite subigi, circulari, & a superfluis evacuari potest. Unde impurus alibilis succus nascitur, qui totum nutritionis negotium in foetu pervertit. Nimia autem abstinencia, vel inedia, subtrahendo spiritibus & corpori necessarium pabulum, non potest non esse foetibus summe exitialis; meretur hic adduci, quod *Johan. Meursius Vir Clariss. lib. 1. de urbe Leidenfi Cap. XII. p. 58.* ingentem famem, qua istius urbis incolæ tempore obsidionis Hispanicæ afflictæ fuerunt, latius describit, & inter alia hæc refert: Ægrotantibus & puerperis, quæ lactarunt, in dies singulos buccellatum ad quartantem libræ ad pensum, nonnullis in ipso utero foetus inedia extinctus & abortum multæ fecerunt. Ante omnia acidorum usum esse noxium annotarunt Medici, *Garmann. A. II. Dec. I. Obs. 149.* fructus horrei & crudi penitus ab usu excludantur. Infantes enim nasci exinde solent laborantes defluxionibus catharralibus, narium obstructione, anxia respiratione, ut de vita periclitentur, qua de re vide *Miscell. Cur. Dec. II. A. X. Obs. 83.*

### §. XXIX.

Affectus animi immoderatos & intempestivos, quod concernit, quantam ii noceant corporibus humanis, & imprimis tenellis matrum foetibus, dijudicari facillime poterit. In instanti enim hi ipsi labem inferunt foetibus, & nulla causa solennior est, & celerius abortum procurare so-



re solet, quam vehemens terror, & diuturnus moeror, angor, & tristitia.

§. XXX.

Hisce jam discussis e re fore judico, quædam addere ex Therapeutico fonte, quibus tam Matri quam foetui infirmo succurrere possimus. Non autem nostri propositi est, curam specialem cujusvis affectus, quo gravida laborat, texere vel commendare, sed saltem eo nostra tendit intentio, qua ratione foetus imbecillitas averti, & si ea præsens sit, emendari possit. Primo omnium itaque moderationem & mediocritatem in sex rerum non naturalium usu, commendatissimam sibi habeat gravida, & occasiones affectuum & Phantasmatum omnimodo ac studio evitet, sique sanguine abundans est, necesse est ut Plethora & Cacochymia avertatur circa medium gestationis tempus per debitam venæsectionem, quæ solet in tempestivam foetus expulsionem præcavere; Alvus quoque quotidie respondeat, eaque ad suum officium revocanda ope clysteris emollientis, sive leniori Rhabarbarino passulato assumpto pharmaco.

§. XXX.

Denique studeat maxime omnium virium conservationi, cui fini ex fonte pharmaceutico inserviunt, analeptica, mitiora aromatica, Carminativa, balsamica Essent. Ambræ, si ferri potest, cum Balsamo Vitæ *Excellent. Dn. Præsid.* & Spirit. Nitri mixta; Item pulveres ex C.C. præparat: Coralliis, Unicornu animali, Ebore; Externe Aquæ Vitæ, Ungariæ, Balsam. Spir. Apoplect. regioni Abdominis sunt applicandi. Si vero convulsionibus videtur Infans in Utero agitari, Aq. Antispasmod. ex florib. Pulvis Marchion. Specificum Cephalicum

Michael



Michael. Mixtura simplex, propinanda erunt. In universum autem tenendum, ab omnibus fortioribus purganribus, sudoriferis, medicamentis calidioribus, Opiatis, penitus abstinendum esse, quocunque etiam affectu laboret gravida; Sed potius blande ac temperate semper agendum erit, ne damnum ac noxam inde contrahat infans in Utero. Sed hæc circà hanc materiam sufficiant. DEO vero T. O. M. grates persolvo immortales, pro concessis corporis & animi viribus sicuti in toto studiorum meorum Cursu, ita in hujus potissimum dissertationis labore, illumque porro supplicibus invoco precibus, ut velit studia mea semper ita dirigere, ut in illius gloriam proximique incrementum cedant.

F I N I S.

---

## CL. DN. CANDIDATO

S. P. D.

P R Æ S E S.

**D**UO sunt, quæ maxime versentur ante oculos docentis alterum est doctrinæ firmitas, alterum in proficundo candor; iis enim in rebus quæ ad salutem mortalium directe spectant, certe non ambiguis ludendum est opinionibus, sed firmitas ac soliditas sectanda, a qua non facili negotio quis se patiatur dimoveri. In his itaque tantum ea, quæ sensu, quæ experientia, quæ praxi comperta, explorata, & ratiocinio solido demonstrata ac roborata sunt fideliter tradat atq; proponat. In rebus autem a sensu remotissimis si quis ad probabile pervenerit, *teste Aristotele*, absolum




sonum tunc nihil dicet. Alterum est animi candor, ut nempe compendiosam ac facilem veri viam ac tramitem sine proluxa ambage, sine quæstu turpi ostendat discipulis & commodum suum, ac gloriam posteriorem ducat discentium bono ac utilitate. Candidus etiam sit, ut non saltem sua laudet & magnificat, sed & bene meritos qui juvare desideria quoque discentium possunt, commendet. Deinceps quoque ingenuitatem in eo exhibeat ut quandoque sententiam suam re vel ab ipso vel ab aliis melius explorata, corrigat, emendat, politiore reddat, tot præstantissimorum Virorum præeuntibus exemplis, id quod nullus sapiens euidam vitio vertet, præsertim in rebus physicis ubi dies diem docet in Medicis, ubi Ars longa & vita brevis, maxime, si tangat non tam res, quam rerum explicationem. Mirifice mihi semper hac in re placuit pulcher locus *Celsi*, dum pag. 546. scribit: *Levia ingenia quia nihil habent, nihil sibi detrahunt. Magno ingenio multa que nihilominus habituro, convenit etiam simplex veri erroris confessio præcipue in eo ministerio quod utilitatis causa posteris traditur, ne qui decipiantur eadem ratione, qua quis ante deceptus est.* Ab hisce officiis, quæ genuinum docentem decent, me non alienum adhuc fuisse, quod citra laudem tamen dictum, boni & docti juvenes testabuntur. Præterea duo identidem requiro a meis auditoribus, alterum est industria, alterum mens grata, utpote sine strenuo & arduo labore, sine assiduitate, sine discendi ingenti ardore, nihil solidi nihil firmi ex scientiis in animum penetrat, ibi retinetur & rursus exprimitur. Diligentia Auditorum est, quæ ipsos doctores stimulat, inflammat, & gaudio afficit, si videant, non irritum, non frustraneum esse, ac fore ipsorum laborem ac curam. Gratam quoque desidero mentem, non tam re, quam voluntate

E



luntate præstandam, ut nempe memores ac grati sint beneficiorum quibus fundamentum perpetuæ ipsorum felicitatis ponitur. Hinc omni occasione devinctum & venerabilem animum ostendant, non autem turpi oblivione, negligentia, vel animi perversitate, fluxilitate, benefacta compensent. Plures ex meis possem non fucata laude afficere, qui diligenter hæc observarunt, ante omnia autem Tu nominandus es Cl. Candidate, qui quam diu apud nos vixisti, grati & diligentissimi Auditoris nullum in Te officium passus es desiderari. Tu magna industria, imitanda modestia & præclaris aliis virtutibus ac dotibus, aditum ad nostram benevolentiam quæсивisti & ex facili quoque obtinuisti. Quod ad studia tua, tam in Theoria quam praxi insignes fecisti profectus. Et cum tuum mirificum ardorem ad praxin diligenter exploratum habuerim, Te non sine tuo fructu, ad talia exercitia, prout res tulit, usus sum. Alias tuas tam animi quam corporis dotes, cum satis notæ sint, nolui eas prolixius recensere. Nihil autem restat, quam ut Patriæ & bono publico uberes multosque fructus a te pollicear, Deum altissimum precans, ut omnis gratiæ ac felicitatis cumulo præclara tua coepta ulterius juvare, augere & Patronorum præsidiiis promovere clementissime velit. Vale.



W O Tugend und Verstand sich einen Sitz  
genommen;  
Wo unverdroßner Fleiß bey der Be-  
gierde wohnt/  
Da muß gewißlich auch bald hohe Bürde kommen/  
Denn Tugend wird verehrt und Fleiß wird wohl  
belohnt;

Diß



Diß wird bey ihm erfüllt / Hr. Düttel seine Proben  
 So er der klugen Welt bißhero dargethan/  
 Die haben ihn nunmehr mit hohen Ruhm erhoben/  
 Er nimt den Doctor-Hut jetzt wohlverdienet an;  
 Nunmehr kann er sich recht inniglich erfreuen  
 Er kann vergnüget seyn; Denn wer in diesem  
 Stück  
 Wie Er belohnet wird / dem kann sein Fleiß nicht  
 reuen.  
 Ich freue mich mit ihm und wünsche tausend  
 Glück.

Dieses schrieb dem Herrn Doctorando, als  
 seinem bißhero gewesenen werthgeschätz-  
 ten Hrn. Contubernali u. Freund in Eil

**Georg. Theod. Bartholdus,**

Med. Lic. & Prof. Anatom. & Botan. in Acad.  
 Giessens. designatus.


**S** hält sich die Natur stets in gewissen Grän-  
 zen /

Und läßt an keinem Ort nichts vor der Zeit ge-  
 schehn.

Was Wunder / daß wir dann niemahlen vor dem  
 Lenzen

Die angenehme Zier der schönsten Blüthe sehn:  
 Daß niemals in der Welt dergleichen Zeit gewesen/  
 Da vor dem Sommer noch die Erndte sich ge-  
 naht: Was





Was Wunder / daß wir erst alsdann die Früchte lesen/  
sen/

Nachdem der späte Herbst sich eingefunden hat.  
So wolt Herr Düttel auch nichts vor der Zeit  
beginnen ;

Das Altdorf kan davon nebst Jena Zeuge sehn.  
Drum läßt Ihn lezt sein Fleiß ein rühmlich End ge-  
winnen/

Und Halle bringet Ihm den besten Vortheil ein.  
Es mußte dieses erst zur Zeitigung gelangen/

So der gelehrten Welt Er heut vor Augen legt.  
Es mag gleich wer da will mit Mißgeburte prangen:  
Genug / daß Er die Art niemals bey sich gehegt.  
GOTT laß Ihn künfftig hin noch vielen Seegen  
spühren ;

So wird Er seines Wunschs vollkommenlich ge-  
währt ;

So wird Er iede Cur auch so bedächtlich führen/  
Und als ein kluger Arzt von iederman verehrt.

Dieses setzte dem Herrn Candidaten als sei-  
nem hochwerthen Herrn Vetter, in Eile  
glückwünschend bey

Joh. Daniel Haake.









